

MAI

EL



H. XIII. 9

Liber
Novo-Vacim-
C/37/II

Henrici Nicolai.

1. Gymnasium Logicum repetitum
2. Exercitatio de Cognitione humana universa.
3. Tr. de Esse alicubi seu Ubicite.
4. Pro methodo Trinitatis alijsq; materijs Apologia.
5. Quadrigatus expensy seu Consideratio quadriga questionum
de Syncretismo nuncupatus Wittebergae edita.
6. Exercitatio de Prudentia Theologica.
7. Exerc. de Obedientia tam Civili quam Spirituali.

D. O. M. A.
Gymnasij Logici repetiti *Adh. 9*
DIATRIBE VIII.
DE

PROPOSITIONIS DIVISIONE

Disputationis loco
Ad Sententiarum collationem in Gymna-
sio Dantiscano proposita.


PRÆSIDE
HENRICO NICOLAI
Philosophiæ Professore
Publico.

Respondentis partes obtinente
CONRADO NEVVENFELT
Dantiscano Borusso. Ampliss.

scabinatûs Alumno.
Addiem 10. Decembris, S. N.

In Auditorio Philosophico.
Horis ab 8. matutinis.

DANTISCI, Typis GEORGI RHETI,
Anno M. DC. XXXIX.



Gymnasii Logici repetiti

DIATRIBE VIII.

De propositionis divisione.

I.

V Aldè interdum dividendum; non animi vel argu-
 tiarum causâ: sed quòd usu compertum, nihil ad me-
 thodum, viam, rationemq; discendi vel docendi effi-
 caciùs esse. Itaq; Socrates aliquando sequendus, di-
 visioni amicus, & cum illo divinus vir habendus, qui com-
 modè & opportunè utetur. Eleganter Lipsius C: 3. mis ep.
 61. In presenti, de propositionis naturâ ad explicandam
 plenius ejus indolem copiosa divisionis in propositione materia
 se oblatura est, quam variantes ejus modi ac species suppedi-
 rant. Quas universas methodicè digerere & sub uno obtutu in
 conspectum dare non parum momenti ad accuratius lustran-
 dam Enuntiationis naturam contulerit: Nec minùs ad Logice
 munus pertinet, ac naturam ejus aut partes designare. Me-
 thodi enim generalis lex est: In quâ disciplinâ Universalis
 conceptus discutitur, in eadem modos conceptum talem
 contrahentes discutiendos esse. Ergò divisioni amici si-
 mus, & species propositionum hac diatribe eventilemus.

2. Tractatio propositionis Absoluta quâ definitio-
 nem & partes materiales fuit. Sequitur absoluta quâ par-
 tes formales & divisionem. Partes formales sunt, quæ
 nexum terminorum spectant. Suntq; iterùm signantes
 & signatæ. Signantes, quæ nota & media signatarum sunt.
 Ut omnes copula concretè sumptæ, ut verbum est vel simile quid,
 ut curru, legit, in simplici, comparativa aut conjunctiva parti-
 cula in compositâ propositione. Signatæ, quæ per signantes
 expediuntur. Ut omnes copula abstractè sumptæ, i.e. connexio-
 nes, dispo-

nes, dispositiones, conjunctiones, compositiones predicatorum cum subjectis, qua actus intellectus nostri sunt terminos cum terminis affirmando aut sejungendo componentis. Officia copula Logica verè propriè sic dicta facere solent, per se significativum esse, ut verbum aliquod nomini Logico contradiunctum: per se univocum entis & esse alicujus adesse vel conjungendo vel sejungendo, h. e. affirmando aut negando, & formaliter aut predicatum aut subjectum in enuntiato faciendū, cum præter hanc tantum termini sint, a. V. t. 5. Per se reflexivum se esse ad ens esse, ut in affirmando, ubi prædicatū componit cum subjecto, ejusq. significatum ad illud refundit: per se qualitativum in Enuntiato terminativum esse, ut ex copula præcise de affirmatione & negatione, indeq. peritā Contradictione judicetur. V. t. 10. Et per se notameorum, qua prædicantur, esse. Quæ de copulâ prop. simplicis accipienda, quæ hic primaria, & cujus attributa in primis inquirantur, & de quâ quædam in Arist. d. inter. c. 3. invenies.

3. De copulis multa & intricatissima ab Autoribus disceptantur. An verè propositionum partes? Quod in totum negat Sotus, Burana, Villalpandus, Eustachius S. Pauli, ex nostris Regius, Hesselbeinius, Buscherus, Meisnerus, Corn. Marrini, Ex Reformatu Crellius, Keckermannus, Goclenius. An partes prædicati totalis & formalis? Quod negant Meisnerus, Hesselbeinius: Affirmant Aristoteles, Bartholinus, Gravverus, Sluterus, Scheiblerus, Flacius, Gutkius, Scharfius, Jac. Martini, Wegerus, Bacchius aliq. An forma propositionum? Quod ajunt ex Papistis Albertus M. Thomas, Conimbricenses, Smiglecius, Folerus, Lorinus, Ruvius, Masius, ex Reformatis Timplerus 3. Log. c. 1. q. 9. Faber, aliq. An ex æquo iam subjectum quàm prædicatum re-

*eum respiciant? Quod affirmat Meisnerus: negant Graue-
rus, I. Mart. Scharffius, Wegerus, &c. An vera propositionis
copula in ternariis sit, 7o est, ut homo est animal? Quod no-
vissimè negat Ravius in Log. noviss. & tractatu de propo-
sit. & subit. defensi. con. Scharffium c. 3. 4. 5. & sic resol-
vendas in veram copulam contendit: Homo est ille, qui est a-
nimal, Paries est ille, qui est albus. An tropi per se capax?
Quod affirmant, Beza, Pezelius, Bucanus, Polanus, Da-
necus, Trelcarius, Chamier, Pareus, Piscator, & alij. Negant
nostri in communi. An in compositis Enunt. vera copula par-
ticula conjunctionum sent, quod communiter sentitur, an co-
pula verbales id sint, quod novissimè Bacchius in demonstr.
veteris erroris Logici contendit. & semilia.*

4. *Ex his tricus ut distinctè nos eruamus, ordine ad-
vertantur sequentia. 1. Copulæ abstractè pro ipsis copu-
lationibus subjectorum & prædicatorum sumptæ sunt ip-
sæ formæ propositionum. Hæ enim dispositiones affirman-
tes & negantes sunt, per d. 7. c. 15. & tam formæ, quam gene-
ra esse possunt, ut in abstractis solet, ut albedo est color, color
est qualitas, ne his difficultatem moveas Timplerus aut Sa-
gittarius. Abstracta autem imitantur notionalia, ut appre-
hensio, Enuntiatio, Argumentatio. Sed Copula abstractè
sumptæ sunt ipsæ copulationes, i. e. dispositiones vel compositio-
nes ad affirmandum aut negandum factæ. 2. Copulæ con-
cretè pro verbis copulantibus sumptæ de est secundiad-
jecti sunt tota prædicata materialia & formalia enunti-
atorum, copulationem ipsam cum materiali simul comple-
ctentia, & actum existentia notant. Ut chimæra est, Deus
est, Homo mortuus non est, i. e. existit. Hic 7o est & copula & præ-
dicata materialis locum simul complectitur, 3. Copulæ ver-*

bales de est 3. adjecti formaliter acceptæ non sunt partes prop. materiales & ut quod, hæ enim sunt termini, ex quib. prop. formaliter constituitur, & res ac conceptus, pro quibus sumitur, & de quibus verificatur: sed formales & ut quo, quib. ut modus, instrumentis, vinculis & mediis prædicatum intellectus componit cum subjecto, illig. attribuit, adeoq. formaliter actum prædicatum constituitur. Vt enim actus intellectus iudicans, hoc extremum esse illud, est formale prop. mentalis: sic copula hunc actum faciens & medium ei præbens est formale vocalis. Non est nuda conditio sine qua non prædicati, sed id, quo formaliter prædicatum in actu prædicati constituitur, quod plus est, quam nuda conditio.

5. 4. Copulæ verbales de est 3. adjecti materialiter acceptæ pro re significatâ notant actum essendi vel existendi, vel modum agendi in prædicatis ad subjectum, & partes materiales prop. ad prædicatum totale s. formale pertinentes esse possunt. Sic enim non solum copulant, nudis enim copulativis conjunctionibus, & etiam, atq. æquipollent, quod dici non potest: sed & rem ligatam significant, actum aliquem, qui si tenet ut res significata & ut quod in propositione. Sed tale quid materialis pars propositi esse potest. Sic Homo est animal, h. e. est ens animal, vel actum essentia animalis habet. Leo currit, movetur, h. e. actum currendi, movendi habet. Hinc & tempus consignificare, & actionem aut passionem in fluxu essentialis temporis differentia notatam importare potest, ut d. 7. t. 26. visum, quod non posset, si præter copulandi officium nullum materiale significatum importaret. Hinc d. inter: c. 3. verbum ad significare copulationem quandam dicitur. Præter copulationem ergo & aliud significatum habere necessum est, quod Nos materiale vocamus, & actum essendi, existendi
vel agen-

vel agendi notare dicimus. Quod & in mysticis, ut Pater est Deus, Deus est Spiritus, Deus in Christo est homo & contrà Panis Eucharisticus est corpus Domini, & similib. obtinet, ubi actus personales, sacraméntales, essentiales, notantur, nec hic peculiare quid requirendum. Nec magni momenti sunt, quæ contrà hic à Meisnero s. I. q. 2. c. 5. P. S. Reinbotho d. 2. d. prop. pers. t. 28. 32. Nihusio dis. 3. Log. t. 4. Zabarel-
lâ in tab. Logic. p. 27. alijsq. disputantur. Quòd sic copula rem notaret, esset $\kappa\alpha\iota\ \mu\epsilon\nu\omicron\nu$, $\pi\epsilon\acute{\alpha}\gamma\mu\alpha$ inferret, non nudum $\pi\epsilon\omicron\sigma\sigma\kappa\alpha\iota\ \eta\gamma\omicron\mu\epsilon\nu$ esset, ut ab Aristot. d. int. c. 3. vocetur. Hæc enim vel principium petunt, vel $\pi\acute{\omega}\varsigma$ saltem accipienda, vel nobis nil incommodant, ut in disc. dicemus. Ad prædicatum totale hoc modo copulam pertinere partim natura prædicati docet, quod inferri & attribui per copulam subjecto debet, non autem subjectum prædicato: partim conversionis doctrina, ubi copula cum prædicato convertenda, ut, Nulla aqua est in pisce, E. nil, quod est in pisce, est aqua. Nulli cantharus est in cerevisia, E. nil, quod est in cerevisiâ, est cantharus: partim tertia figura illatio, ubi totum prædicatum minoris in conclusionem inferri jubetur, & ubi copulâ à prædicato separatâ vitiose intuleris. Vt, Annulus ambit digitum. A. continet gemmam, E. gemma ambit digitum. Pro quo, E. cont. gem. a. d. dicendum erit. V. dec. I. Misc. d. 9. t. 16. 5. Copulam tam ad subjectum quàm prædicatum pertinere & ex æquo utrumq; respicere de unionem verum est, quâ copula tam prædicatum subjecto unit, quàm subjectum prædicato; tam subjectum & prædicatum constituit, ut termini actu uniti fiant, qui ante copulam subjectibiles & prædicabiles terminantur tantum erant, nondum subjecta aut prædicata: non autem de attributione: sic enim prædicatum attribuitur subjecto, non

subiectum predicato: sic inferitur subiecto, non hoc illi: sic denominatur subiectum, non hoc illud: sic enuntiatur de subiecto, non hoc de illo. Hoc modo solum predicatum infert & attribuit subiecto, & formaliter ac actu predicatum facit, non subiectum attributo infert. Unio reciproca est: Attributio solius predicati est. Et sic ad predicatum formaliter cum suo modo tale & totale copula pertinet.

6. 6. Copula ratione materialis significati, & ut cum predicato totali coalescit, tropum sustinere potest. Actus enim efficiendi, seu existendi, & agendi in predicato ad subiectum ipsa & attributio & informatio predicati ad subiectum tropica & impropria esse potest, quia copula mater: & formalis significato importat. Sic non vulpes solum, sed totum hoc, esse vulpem in Herode, non Agamemnon solum, sed esse Agamemnonem in Roscio Comedo est tropicum. Sic esse leonem in Nerone, esse corvum in fure, esse Diabolum in calumniatore, esse hirundinem in garulo, tropicum est. Sed radix & fundamentum improprietatis semper in predicato materiali est, ex quo esse illud, quod in copula importatur, tropicum & improprium evadit. Hoc si absit, copula per se sollicitate sumpta nunquam tropum obtinebit. Sic si in predicato, corpus Christi & Deus, in his, panis Eucharist, est corpus Christi, Homo in Christo est Deus, tropus à Reformatis solidè ostendi posset, & esse corpus ad panem, esse Deum ad hominem tropicum esse ostensum esset. Sed antecedens iugens habebit æquivocum. Et in generali, copula tropum afferere nondum in sacramentalibus & personalibus enuntiatione cum afferere eris, quod intendunt Reformati. Generale verissimum esse potest: applicatio ad speciale alienissima. Tropus in copula est: sed in de Cana & Christo Enuntiatum non est. Propria illa predicata sunt proprietate Grammatica

maticâ & Rhetoricâ: est non Physicâ. Sic enim impropria vel supernaturalia sunt. 7. Copula est tertii adjecti in Enuntiatis obscurioribus ob maiorem sensus claritatem ita resolui potest, Homo est ille, qui est animal. Inprimis in infinitis, modalib. exponibilib. & conversione & contradictione utilis esse talis explicatio potest, sensum enim subobscurum plerumq. habens. Sed ob vera copula defectum ita resolui non debet. Est enim in his, Homo est animal, Avis volat, actupredicatum & subiectum, actualis & determinata affirmatio & negatio, veritas & falsitas, attributio predicati ad subiectum vel ab eo remotio: Potest in ijs formari Conversio, Consecutio, Oppositio, Explicatio, Limitatio, Equipollentia, & c. qua impossibile est sine verâ copulâ in propositione locum habere. Nec necessaria absolute est talis resolutio, quasi vera copula deesset: ne in omnib. urgeri potest. Vt pluribus tract. de princ. Contradictionis li. 3. §. 44. disceptabo. 8. Vera propositionis copula in compositis Enuntiationis & ex copula verbali & conjunctionali peti potest, sed hac primò & immediate, quâ composita est & manet, sic enim conjunctio copula constitutionis & distinctionis in compositâ est, ut ipse Baechius concedit: illâ secundò & mediatè, quâ ex simplicibus composita est. Vt enim simplices in se habet: Ita & ex copulâ verbali in simplicibus contentâ iudicium aliquod formari potest. Hoc modo veritas & falsitas, affirmatio, negatio & contradictio & ex copulâ verbi mediatè judicari poterit. Nam & hac predicatum hic attribuit aut remouet à subiecto. Pluribus eam rem incit. tract. li. 3. §. 82. 83. seq. disquiram. Vbi edendi suppediâ it occasio.

7. Ita partes formales prop: fuerunt. Succedit diuisio. Hac vel præcognitiuè spectari potest, Vbi quaritur

1. An dâ-

1. An dividi possit propositio? 2. An specialiter hac doctrinam Logicis tradenda, & ubinam?

8. Quà primum, Ratio dubij esse potest: Quia propositio est simplex quidam mentis actus indicativus nempe, aliquid esse aut non esse, qui impartibilis est. Et non est corporeum quid. Ergo. & c. Contra hac habendum: 1. Propositio est unus actus simplex componens aliquid aut dividens, quia non tot actus comprehendit, quot integer discursus: Interm est actus componens, quia terminos aut membra conjungit, quae compositio varijs modis formari potest, & ex his modis ipse actus componendi sortitur varias divisiones. 2. Actus componens non est corporeum quid. E. nequit dividi in partes sc. corporeas. Secus in partes subjectivas, modis varianti, species immateriales, dividi potest. Sic accidentia in suas species dividuntur, virtus in moralem & intellectualem, justitia particularis in distributivam & commutativam, etsi corporeum quid non sint. Idem de divisionibus notionum secundum habendum, qualis hac est.

9. Quà secundum dicendum I. Specialiter divisiones propositionum in Log: proponi debent. 1. Quia sunt instrumenta bonae ratiocinationis. Ita propositiones affirmantes, negantes, purae, modales, simplices, compositae, constituunt syllogismos, & sic ad eruendam veritatem distinctè faciunt. E. ordine & distinctè in Log. explicari debent. 2. Cujuslibet notionis secundae divisiones in disciplinâ instrumentali explicari debent, si habeat divisiones. Secus tractatio erit manca. E. & propositionis. Nam habet divisiones, ut post patebit. II. Commodissimè definitioni subiungitur Divisio. Nam definitionem rei proximè insequitur partitio, & propius è re emanat species ejus ac variandi
modus

modus, quàm affectio & accidens rei. Sic intimiùs ex animalis prodis rationale & bestiale, quàm motus, cursus, aut similis affectio. Participant enim species quidditativam generis rationem, sic rationale, bestiale, est animal: Non affectiones. Non dices: motus, cursus, est animal. Hac ratione divisio prior est affectione rei. E. benè ante illam tractatur. Dices: Vnum prius diviso Sed affectio est rei, ut adhuc una: Divisio, ut fit multa. E. potiùs de affectione priùs tractandum. R. 1. Vnum est prius diviso in ipsâ re: non tamen semper in ordinatâ rei tractatione. Sic media priora sunt fine in ipsâ re: In practicâ tamen tractatione à fine inchoatur, ad media proceditur. Ut in Ethicis, Politicis, Oeconomicis. Sic in principijs homonymias thematis explicamus, quæ velut divisiones nominis sunt, quas thematis definitioni, quæ velut unum, premittimus. Divisio intimiùs rei coheret, ac affectio: nec compleiè hæc cognoscitur, nisi priùs omnes rei species cognita fuerint. Hic ergo ordo distinctæ tractationis divisionem ante affectionem requirit. 2. Vnum est prius diviso quantum ad rem & essentiam: non tamen quantum ad omnia ex essentiâ consequentia, Vi accidentia. Sic species priores accidentibus.

10. Vel Cognitivè, Vbi de ipsis divisionibus propositionum in particulari agendum erit. Generaliter propositionum divisiones sumuntur vel à formâ, (aliq à substantiâ vocant, Casus c. 10. Dial. p. 1.) vel à materiâ, vel à modo Enunciandi. A formâ, quæ velut ex ipsâ dispositione Terminorum sumuntur. Et sequentes esse possunt. 1. Propositio est vel affirmans vel negans. Affirmans, quæ copulâ affirmatâ prædicatum attribuit subjecto. Negans, quæ copulâ negatâ prædicatum removel à subjecto. Ad

intelligenda hæc Nota 1. Propositionem rectius dici affirmantem & negantem, quàm affirmatam & negatam, Vt Ramistæ volunt, Ramus l. 2. Dial. c. 2. Dunamus. l. 2. c. 2. alijs. Termini affirmantur aut negantur: Propositio est Dispositio affirmans Terminos aut negans. Et hoc concedit Piscator l. 2. Log. Ram. c. 2. magnus alioquin Rami defensor. Nec argumenta per se, ut vocant, affirmant vel negant res, ut falso supponit Dunamus, V. d. 7. t. 17. Sed dirigunt tantum apprehensionem rerum simplicem: nec enuntiatum passivè & adjectivè in Log: sumitur, quasi aliquid quod enuntiatur, ut præcisè inde affirmatum aut negatum dici debeat: sed substantivè & activè, ut idem ac Enuntiatio sit, Vt dictum idem ac dictio, factum ac effectio est. Vnde ut rectè dicitur: Enuntiatio alia affirmat alia negat: Sic & enuntiatum aliud affirmat, aliud negat. Et ipsi Ramistæ axioma verum definiunt, quod pronuntiat, ut res est. Si pronuntiat axioma, cur non affirmet aut neget? Quamvis de vocabulis usus facilis esse debet. Conf. Cl. I. M. l. 2. dis. Ram. c. 2. q. 5. 2. A posteriori propositionem affirmantem & negantem definiri per copulas, cum Ramis, V. Ramum l. 2. Log. c. 2. Piscat. c. 1. A priori per attributionem aut remotionem predicati de subiecto cum Aristotele d. int. c. 6. & l. 1. prior. c. 1. Optime omnium jungendo utrumq; in definitione. 3. Predicatum attribui aut removeri latissime sumendum, s. reale predicatum tribuatur, ut homo est animal, s. notionale, ut homo est species: s. verè tribuatur s. falso: sive secundum rē s. rationem tribuatur, s. ut realiter diversū, (quãdoq; id est, nō semper, ut vult Alsted. l. 6. Log. bar. c. 11 nec ejus ratio quid probat, nisi ut subiectum & predicatum formaliter aut notionaliter sumuntur, sic enim una notio nunquam formaliter est altera, sed realiter differunt:

differunt : Secundum rem tamen sumendo non semper realiter differunt, *Vi Deus est bonus, justus, ens est unum, perfectum, verum, s. ratione* : I. predicatum affirmetur de subiecto, ut in simplici, siue cum eo, ut in composita propositione, siue absolutum, siue determinatum, s. positivum, s. privativum attribuitur. Idem de remotione habendum.

II. 4. *Negativam veram esse*, quando totum predicatum removetur à subiecto, non quando pars. *Vi, homo non potest currere, est negans* : *Homo potest non currere, est affirmans*. Hic enim pars tantum predicati negatur. Sic, *odi sapientem, qui sibi non sapit, affirmat, non negat*. V. t. 13. Idem observandum in resolutione modalium, quæ videntur negativæ, reverà non sunt, sed infinitè affirmativæ. ut: *Possibile est nullum hominem currere, Contingit nullum canem latrare. Necesse est nullum leonem esse rationalem, Possibile est aquam nullam esse calidam* : Hæ propositiones non sunt negantes, nec ita resolvendæ: *Nullus homo possibiliter est currens, nullus canis contingenter est latrans, Nullus leo necessario est rationalis, Nulla aqua possibiliter est calida* : Hæ enim resolutiones sunt falsissimæ, & prioribus in sensu planè contrariæ: *Sed hoc modò in sensum sunt resolvendæ* : *Omnis homo possibiliter est non currens, omnis canis contingenter est non latrans, omnis leo necessario est non rationalis, omnis aqua possibiliter est non calida*. Hæ resolutio est competens & in negativis modalibus in Syllogismo modali cautè observanda, ut doctrina Syllogismi modalis docebit. V. dif. 12. t. 23.

12. *Queritur hic, quallis hæc divisio?* *Tribus hæc quaestio explicari potest*. I. An sit generis in species, an subiecti in accidentia? *Quidam posterius affirmant*. Ex veteribus *Aphrodisæus & Burana ap. Conimb. in l. i. pri-*

or. c. 1. q. 1. a. 2. ex recentioribus Dunam: l. 2. dial c. 2. Scheibl. d. pro. c. 2. n. 9. Greberus. d. 5. Log. q. 1. Faber in l. d. int: c. 7. q. 1. *Quidam prius: Ex veteribus Ammonius, Prophy. Philoponus, Simplic. Thom. ap. Conimbr. c. 1. Ex neoteris ipsi Conimbr. c. 1. Mendoz. d. 8. Log. S. 4. §. 17. Verè hoc. Divisio rei ex ipsa definitione & essentiâ quid dativâ rei sumpta est major divisio, quàm subjecti in accidentia. Nam accidentia abesse possunt à definitione rei. Hac divisio est talis, ut patet ex Definitione propositionis. V. D. 7. t. 14. 15. E. generis in species & oppositas differentias. Dices 1. Species non debent includi in definitione generis, sed abstrahi. E. nec hæc. Ita Mendoz. d. 4. sum l. 1. §. 1. R. Antecedens de definitione materiali rerum predicamentaliū valet. At hic notio secunda Logica tantum definitur, quæ rigida definitionis requisita non potest semper habere. V. c. l. t. 17. Et sic Mendoz. talē definitionem admittit. d. 8. Log. §. 16. Deinde species non debent includi in definitione generis, nisi cum ita in eâ imbibuntur, ut genus sufficienter definiri nequeat, nisi illis inclusis. Quod hic est. Affirmari enim & negari ita inproposit: imbibitur, ut cogitari ea aut definiri nequeat, nisi his memoratis. V. c. l.*

13. Dices 2. Generalis ratio axiomatis est partium Dispositio. At hæc non mutatur in specie diversam, affirmando aut negando, sed Categoricali aut hypotheticâ. R. Ratio axiomatis est partium dispositio, sed affirmans vel negans. Et hæc affirmatio vel negatio mutat copulas specie diversas. Alia enim est species copulæ attribuentis, alia removens. In esse generali copulæ conveniunt, quod copulent: In modo specifico copulandi differunt. Sic homo & bestia in esse generali, animali, conveniunt, in specie differunt. Sic differre

speciē,

specie, attribueret & removeret. E. & ista copula specierum discrimen importare possunt. In copulâ verbi & conjunctionis est alia specificatio copularum, qua similiter specierum differentias importare potest. Ad cetera, quæ hic moventur, observa 1. Ens & negatio entis realiter, objectivè, materialiter sumpta nequeunt sub uno genere esse, nam infinitè distant. Benè notionaliter & formaliter, ut ens per dispositionem attribuentem, non ens per dispositionem removemtem representatur. Sicutrag, est positiva operatio, aut intellectus, unde mentalis, aut vocis, unde vocalis propositio oritur. Et sic dividitur Propositio, ut genus, in affirmationem & negationem, ut suas species. 2. Vulgò hæc divisio ex qualitate propositionis sumi dicitur, ut ex particulis, quæ, qualis, quanta, patet: sed essentiali, non accidentali. Sic divisio animalis in rationale & irrationale ex qualitate, id est, Differentiis animalis essentialibus sumitur. Differentiæ essentialis etiam in quale prædicantur, sed essentialis, ut concedit Scheibl. int. Log. c. 3. n. 36. Unde in quale quid prædicari dicuntur. Porphy: c. 3. l. sag. Sic genus & species qualitatem circa substantiam determinant, Aristot. c. 5. Categ: sed substantialia sunt, non accidentia. Idem 4. Meta. c. 5. formam substantialem qualitatem vocat. Nomen qualitatis hic vulgò usurpatur: rigidè essentia dici deberet. Ut rectè urget Mendoza d. 4. sum. §. 5.

14. H. Queritur, An sit univoca, an analogâ? Ens & negatio entis objectivè sumpta nec sunt analogæ nec univocæ, Nam in nullo conceptu conveniunt, sed infinitè distant, & in nullo conveniunt, V. c. 13. Notionaliter sumpta, ut Logicè sunt affirmatio & negatio, sunt univocæ. Ex æquo enim participant esse definitionis: Ex æquo propositio negans est propositio, quàm affirmans: Ex æquo propositionis est negare, ac af-

firmare

firmare. Et in hoc consistit univocatio divisionis. Quicquid sit de eo, quod genus, propositio, sit notio secunda. & sic ens analogicum: quicquid de affirmatione in actu exercito, qua prior negatione: quicquid de affirmato objectivè, ut Ens, quod prius negato, quod non ens. & c. V. Scheibl. d. prop. c. l. n. 3. 4. II. 12. Conimbr. c. l. Nec quod affirmatio adstruat, & sic nobilior, negatio destruat, & sic ignobilior sit, univocationem tollit: qua penes equalè generis participationem, non maiorem aut minorem nobilitatem unius est desumenda.

15. III. Quæritur, An sit immediata? Ita est. Nulla est propositio Logica, quæ aut non affirmet certi aliquid, aut neget, vel absolutè, vel sub cōditione. Prop. optativa, semiplena, affectiva, homonymica, supra sūt rejectæ à propositione Logicâ. V. D. 7. t. 10. Non tamen ex hac immediate statim sequitur, Alteram earum necessariò esse veram, alteram falsam, Cum utraq; falsa esse possit. Vt, Omnis homo est albus, Nullus homo est albus. Nisi modo Contradictorio formentur, sic altera aut necessariò vera aut falsa erit. Vt, Omnis homo est albus. Non o. h. e. a. Vt d. 9. t. 30. patebit.

16. Vtraq;. Propositio, affir: & negans, vel est finita vel infinita. Finita, quæ fit terminis finitis. Vt homo est animal: Infinita, quæ infinitis. Vt homo est non leo. Sive hi Termini apponantur subjecto aut predicato principali, sive minùs principali. Nec video, Cur oppositum hic intendat Nihusius d. Log. 3. t. 6. Cur enim non infinita sit: Ebenus est lignum non album, Homo est animal non brutale, & c. licet infinitus terminus à predicati parte secundariâ sit, non primariâ. Sic, Adam potuit non peccare, non mori, non mentiri, V. t. 17. Si signo subjecti apponantur, non ipsi subjecto, non infinitas, sed negantes faciunt. Vt, nō omnis homo est credens.

De infini-

De infinitis porro observa: 1. Quædam infinitæ æquipollent negantibus quâ significationem, non quâ modum significandi & proferendi, qui semper diversus in infinitis à negante. Negans copulam negat de subjecto: Vt homo non est leo: Infinita copulam affirmat, & prædicatum materiale solitarie negat. Vt homo est non leo. Infinitum negat significationem: Negatum consignificationem & compositionem. Infinitum rem tollit, quæ in prædicato aut subjecto est, ut non ea sit: Negatio tantum rem, quæ est in termino, sejungit, ut cum alio una & conjuncta non sit. Infinitum prædicatum negare potest de subjecto: Negans negationem prædicati attribuit & infert subjecto. Infinitum negatam significationem componit: Negans negatam compositionem formaliter infert. Hoc modo quâ significationem infinita de verbo infinito absoluto æquipollent negatis: ut homo est non videns, idem, ac homo non est videns. Equus est non leo, hoc est, Equus non est leo.

17. 2. Quædam infinitæ non æquipollent negantibus, Vt ille, quæ habent verbum aut nomen infinitum determinatum per potest, valet, vel simile. Sic ergo multum differunt, Homo potest non ambulare, & homo non potest ambulare. Hoc negat potentiam ambulandi, falso: Illud actum, relictâ potentia, verè. Sic, qui potest non loqui, tacet. Quæ potest non videre, cæcus esse potest, multum differunt ab his, Qui non potest loqui, tacet, qui non potest videre c. es. po. Priora enim vera, posteriora falsa sunt. Et per hoc nullâ ratione à Vivel. 3. d. cau. cor. ar. & Ramo l. 5. Sch. Log. c. 3. & l. 6. c. 1. rejiciuntur, quòd sint negantes. Nam id valdè particulare est. Et ex ipsis Ramisto Bilstenius l. 2. Dial. c. 2. Et Casmannus l. 2. dial. c. 2. particulam non haud semper infer-

inferre negationem concedunt, nisi conveniente loco ponatur. *Vt, O disapientem, qui sibi non sapit. Rei non bona consuetudo pessima est. Vbi negationem parti vel determinationi subiecti vel predicati additam ajunt non spargi in copulam, adeoque veram negationem non esse.* At hoc ipsum infinitis suis volunt Aristotelei. 3. Infinitæ & sæpè occurrunt in authoribus, & magnum usum in Syllogismis benè resolvendis habent. Prius patet. Cic. 1. off. *Corporis quædam partes aspiciuntur non decorè, & 1. parad. An potest quisquam in abundantia bonorum ipse esse non bonus? Platonis anigma, Vir, non vir, & c.* Augustin: *Primus homo poterat non mori, secundus homo non poterit mori: Judæi exacerbarunt Jehovah in non DEO, Deut: 32. v. 21. Ob merita non sua punitus est Dei filius. Est peccatum non ad mortem, 1. Ioh. 5. v. 17. Lapis est aliquid, quod non movetur. Plura ap. Cl. I. M. 1. 3. inst. c. 6. Goclenium p. 3. probl. q. 12. & 52. Bertium. l. 2. log. c. 6. vide. Posterius; Nam: Non scintillans propè est. Planeta non est scintillans. E. Et sic: Non laborans non manducet. Otiosus est non laborans. Non credens damnabitur. Judæus est non credens. In his & similibus minor non est negans, sed infinitè affirmans. Subsumitur enim subjectum minoris sub subjecto majoris, quod infallibile indicium est Minoris affirmantis, Cum in negante soleat à subjecto majoris removeri. Et sic, qui tales minores negativè resolverit, malè resolverit. Danhauverus quidem id sentit, omninò negantes esse tales minores, locis dec: 1. Misc. d. 7. c. 23. & d. 10. t. 28. citatù. Sed communiter contrà sentitur, & verius, Vt d. 10. t. 29. ostensum, Vbi Authores ibi citatos consule.*

18. II. Affirmatio & negatio est vel absoluta vel respecti-

respectiva. Absoluta, qua absolutè enuntiatur. *Vt, homo est animal.* Respectiva, qua pro certo respectu. *Vt ille homo, qui est Philosophus, est doctus.* Illud animal, quod homo est, potest ambulare. Embrio est homo generandus. Non omnia bona opera justificans. Non solus homo est brutum. Neutra aliud vel infert vel excludit vi formæ. Sic in affirmativis, *Multi homines resurgent.* Dan. 12. v. 2. Non valet, *E. non omnes.* Christus moruus pro nostris peccatis. 1. Ioh. 2. v. 2. *E. non pro aliorum.* In negativis, *Non sola bona opera justificant.* *E. tamen cum alijs juncta.* Non solus Papa est iudex Controversiarum fidei. *E. cum alijs.* Non peccatum in Spiritum Sanctum remittitur in hoc aut futuro seculo. *E. aliquod remittitur in futuro :* Non ducenda uxor soror, illâ vivâ. *E. eâ mortuâ licet, Vt Papistæ solent.* Non qui Christum non confitetur, sunt Christiani. *E. qui confitetur, sunt.* Non bipedes non homines sunt. *E. qui bipedes sunt, sunt homines.* Non omnis homo est irrationalis. *E. quidam.* Ratione formæ hic non valet illatio. Per materiam interdum valere potest. *Vt, Non ex omni ligno fit Mercurius.* *E. ex quodam.* Non omnis homo est doctus. *E. quidam.* Non omnib. contingit adire Corinthum. *E. quibusdam.* Sed per formam affirmativum nihil hic sequitur. Vide latissimè Dn. C. Mart. l. 1. anal. Log. c. 3. Hæc negatio respectiva potest esse vel in propositionibus, *Vt, solus homo est leo.* Non solus homo est leo : Vbi hæc tantum negat alteram, nil aliud infert : vel in argumentationibus. Vbi quandoque negans verè negans amplius non est, sed fit alia, infinite affirmativa. Vid. t. 17. Huc referre potest distinctio negata in absolutam & privativam, quæ quidam utuntur. Ex hac sequi putant, ex illâ nullam affirmationem. V. Greberum d. 5. d. prop. c. 3. q. 4. Plurib. alibi hæc de re.

19. Negativa vel est explicita & formalis, vel implicita & virtualis. Explicita, quæ signo negatæ debite collocato fit. Vel præmittendo signum copulae immediatè, ut, Homo non est asinus: vel mediatè per modum ad copulam pertinentè, Vt, homo non necessariò est albus: vel verbo copulam includenti, Vt, Leo non ambulat: vel signo toti propositioni præmissò, & non impedito, ut, Nullus leo est homo: (At si impediatur, velut alia particulâ negandi, Vt, Non nullus leo est homo, Nullus non leo est homo, est affirmata:) Vel signo rō non equipollente effertur, ut homo haud, haudquaquam, nequaquam, nullatenus, &c. est leo. Implicita est, quæ virtute sensus in vocib. abstractis neganti equipollet, etsi expressâ formâ negans non videatur. Vt sunt exclusivæ, ut solus homo est rationalis, Exceptivæ, ut Omne animal præter brutum est rationale, reduplicativæ, ut, homo, quia animal, sentit, Impossibiles, ut Impossibile est leonem esse canē, coarctativæ, Vt Paucus, Vnus, Vnicus, exiguus: Vt, Vnicus homo redemit mundum, Disjunctivæ, ut, aut est rationale aut irrationale. Hæ omnes equipollent virtute negantibus, & in illas sūt resolvendæ, & in Syllogistica dispositione 1. figura cautè observandæ, ne in minore admittantur. Faciunt enim eam virtute negantiem, quod contra formam istius figuræ.

20. 2. Ex formâ propositio est vel pura vel modalis. Pura, cujus forma nullo modo determinatur, Vt, homo est animal. Quidā absolutā vocant. Sed hæc potius comparativa aut conditionata, quā modalis contradistinguitur. Modalis, cujus forma modo determinatur. Est q̄ latè vel strictè dicta. Latè 1. Modalis composita, ubi m̄ d̄ est pro toto predicato aut subiecto. Vt necesse est, quicquid non contingens est. Impossibile est, quod potentiam excedit. Hominem esse animal est
necesse,

necesse. Hac verè modalis non est, sed pura æquipollet, & hunc habet sensum: Hac propositio, homo est animal, est necessaria. Nullum necessarium est contingens, Om. impossibile excedit potentiam. Adeoq; ad formam puram resolvenda, & inter modales parum de eâ curandum. 2. Modalis æquivoca, ubi qualiscunq; determinatio dicitur modus. Vt, Omnis homo est animal: Hic ^{scilicet} omnis est determinatio universalis, & modus æquivocè dictus. Sic, pauci homines sunt electi, Vnicus homo salutem nostram restituit. 3. Modalis materialis, ubi vel prædicati vel subjecti materia determinatur. Vt, Omne animal, quod currit, movetur. Canis currit celeriter, Petrus disputat argutè, Agit benè, incedit obliquè, scribit doctè. Ha infinita esse possunt, & vanè pro impugnandis modalibus à Ramo l. 6. Sch. dial. c. 3. Vive l. 3. d. caus. cor. art. Beurhusio p. 2. pædag. Log. p. 905. 906. Gaslendo l. 1. c. Aristor. ex. 5. Dunamo, alijsq; adductæ. Quorsum & Græci quidam inclinant, plurimosq; modos faciunt, & Aristotelem tantum potiores enumerasse censent, ap. Toletum 2. d. inter. c. 3. 4. Modalis totalis, quando particula aliqua determinans respicit totam propositionem & quâ materiam & formam consideratam, ut, verum, falsum, certum, incertum. Vt, Homo verè est animal, Homo falso est Leo, & c. quæ Hispanus addidit modis. V. Alsted. L. 6. Lo. harm. c. 5.

21. Strictè dicta est, quæ est formalis divisa aut ei æquipollens. Id est, ubi modus formam & copulationem prædicati cum subjecto determinat, sive situ medio ponatur, ut, homo necessariò est animal: sive sensu, ita ut resolvendus sit in medium situm. Vt, necesse est hominem esse animal. Estq; vel primariò dicta, vel secundariò. Primariò, quæ modo stricte dicto (alij substantialem, essentialem, solenniorē, vocant,

Alsted. c. 1.) formam propositionis determinat. Tales modi sunt 4. Nec. cont. pos. & imp. 7^o per se & 7^o per accidens reducuntur ad necessarium & contingens, quibus aequipollent, eoque peculiares modos non constituunt.

22. De his modalibus observanda 1. Specialis in Logicis necessitas, quā omnino peculiariter sunt proponenda. Nam possunt propositionem vel veram vel falsam reddere. Et consequenter ad Logices finem multum faciunt. Sic vera, Homo est doctus, falsa, Homo necessario est doctus. Vera modalis, Homo possibiliter cornutus, falsa pura, Homo est cornutus. Deinde cohesionem predicati cum subjecto ostendunt, quae ea sit, an perpetua, an non perpetua, & in oppositione peculiariter requirunt observationem, quae ap. D. I. M. l. 2. disp. Ram. c. 4. q. 9. latè discussa vide. Quod contra Ramum, Beurhus. Vivem, & alios notandum. Alij majorem modalium usum apud Gracos esse ajunt, quàm apud Latinos. Keckerm. l. 2. Log. l. 1. c. 3. Hoc de Philologis Latinis fortè verum: Apud Philosophos Aristoteleos sunt frequentissima. Alij nihil nova artis à puris continere ajunt, sed ex illis satis judicari posse. Ut Ramus, Beurhusius, Vives Dunamus. Quos sequitur Becmannus l. 2. compa. Log. c. 3. Hoc falsum esse ex adductis fundamentis patet. 2. Affirmatio & negatio: quae penes modum spectanda, non dictum. Ita, homo necessario est doctus, Homo non necessario est doctus. Sed, necesse est hominem esse album, Necesse est hominem non esse album; Non est directa negatio prioris, utraq; enim falsa: Sed haec: Non necesse est hominem esse album. De oppositione & conversione modalium in seq. disp. agatur.

23. Fuit modalis primaria: Secundaria est, quae modo secundario seu exponibili formam propositionis

deter-

determinat. *Vulgò vocant exponibiles, quòd expositione indigeant ob obscuritatem sensus & difficultatem suam.* Alij *vocant modales secundarias.* Keck. nr 1. 2. Log. f. 1. c. 4. Scheibler d. prop. c. 7. n. 36. Danhauver. ide. disp. f. 4. §. 87. & epit. Dial. p. 1. c. 4. Zanakius c. I. M. 1. 2. f. 1. c. 4. Stengelius p. 2. d. Syllog. §. 26. Alij *determinatas non à signo,* Alsted. c. 1. c. 8. *Quamvis idem ad divisiones propos. à materià easdem referat,* l. 24. Encycl. p. 2. c. 5. 6. Alij *negant modales secundarias dicendas, quòd particula exponibiles non sint modi, nec formam propositionis afficiant.* D. I. M. 1. 2. f. 1. c. 4. c. Log. Keck. Werenberg. ex: 7. Log. t. 58. *Sed facile tolerari ea appellatio potest. Reverà enim tales particula sensu Logico formam propositionis determinant, & rationem inhaerentia predicati ad subjectum dicunt, ac ostendunt, quâ ratione predicatum tribuatur subjecto, an exceptivè, an exclusivè, restrictivè, Et sic formam enuntiandi reddunt exclusivam, exceptivam, & c. non unam saltem vel alteram partem. Et si fitus istarum vocum interdum sit pro subjectis. Ut bene hanc rem observavit Scharf. l. 2. Log. c. 7. Sic exclusivè predicatum ab omni eo, quod non est subjectum, excludunt, eoque formam & attributionem predicati ad subjectum determinant, qualiter ea se habeat. Exceptivè aliquid à consortio predicatorum excipiunt, & sic respectum subjecti & predicatorum involvunt, ac consequenter formam enuntiationis concernunt. De restrictivè idem iudicium. Et resolutio harum propositionum Logica ita instituenda est, ut quantum per voces licet, in modum modalium formentur & resolvantur. Ut, Solus homo est rationalis, id est, homo solitariè est rationalis. Om. animal prater brutum, potest loqui, h. e. o. a. p. l. si brutum excipias. Vbi hoc, si brutum excipias, ad totam propositionem, O. a. p. l.*

non aliquam tantum partem, & sic ad cohesionem & formam pertinet. Idem in ceteris servandum.

24. Exclusiva est, quæ signo excludente prædicatum infert subjecto. *Vt, solus DEUS est infinitus, id est, Deus solitarie est infinitus, vel, DEUS ita est inf. ut nullus cum eo talis sit.* Exceptiva, quæ signo excipiente prædicatum infert subjecto. *Vt, O: spiritus, præter Deum, est creatus.* Restrictiva, quæ signo restringente prædicatum tribuit subjecto. *Vt, homo, quæ homo, est rationalis.* Et duplex est, si vera formalis est, non mera materialis tantum. Specificativa, cum signum restringens qualemcumque modum habendi prædicatum ostendit, *Vt, homo quæ capillos est crispus: Et Reduplicativa, cum signum restringens ostendit causam habendi prædicatum. Vt, homo, quæ rationalis, est docilis.* Potest resolvi ita: *Homo, quia rationalis, est docilis.* Restrictiva apparens & materialis tantum descriptio aliqua subjecti aut prædicati est, non vera restrictio, nec speciem restrictivæ veræ participat. *Vt: Hoc est corpus meum, quod pro vobis traditur. Hic est liber meus, quæ s. Imp. Lipsia comparavi.* Christus secundum humanam naturam est filius Dei naturalis, & similes, de quibus alibi pluribus fortasse. Cetera ab authoribus petantur. Quidam & comparativas ad exponibiles referunt, *Vt Danhauv. epit. dia. c. 1. Gutkius ex. 7. Log. diu. reg. 3. & c. 5. Syno. Lo. m. 3. §. 4. 8. Sed hæ restrictiones materiales tantum habet, Vt, Arist. est doctior Platone: vel magis propriè compositis annumerantur. Vt, qualis rex, talis grex, V. t. 26.*

25. III. Exformâ propositio est vel simplex, vel composita. Simplex est, cujus copula est simplex, verbi scilicet: *Vt homo est animal.* Composita, cujus copula est duplex, & verbi & conjunctionis, Estque copulativa, connexi-

va, ad

va, ad quam referenda est comparativa; disjunctiva, & discreta. Definitiones facile patent. *Observa, divisionem hanc esse analogam. Propositio enim Simplex primò & magis est propositio, quàm composita, quæ ex simplici constat, in eamq; resolvers potest. Et connexiva etiam substitutiva dicitur* Apuleio l. d. interpret: f. Syllog. Categorico, §. 1.

26. *Quatuor hic queri possunt. 1. An propositiones comparativæ huc referendæ? Velut, Qualis rex, talis grex, Quantum nummorum quis possidet arcâ, tantum habet & fidei. &c. Ramei ad copulatas referunt. V. Sch. d. pro. c. 5. n. 44. Alij ad connexivas. Id. n. 63. Quædam illarum integrum discursum implicanti, in eumq; sunt resolvenda, ut enthy-mema aut simile. V. Cl. I. M. l. 2. d. R. c. 6. q. 1. 3. Quædam in simplices redigenda. Gutk. p. 320. syn. Lo. Rectè hæ propositiones Logicè impertinentes dicuntur, non enim juvant connexionem conceptuum, sed impediunt, & sunt resolvenda in alias, si discursui aptandæ sint, aut in ipsum discursum, qui conditionalis virtute semper procedet. Ut, Qual. pater, talis filius. Sed pater est immensus. E. & c. Virtute conditionalis procedit. Si pater immensus, & filius talis. Sed pater est. Ergò. 2. An immediata hæc divisio? Logico sensu est: Logico enim nulla est propositio, nisi simplex aut composita. Quæ de hypotheticis contingentib. adferri solent, ea vel Logicè vera hypothetica non sunt, sed tantum Grammaticè: ut, si Petrus hic fuisset, fortè peccasset, Vi placet Becano p. 1. Th. Sch. c. 10. q. 6. tr. 1. §. 5. vel sunt hypotheticæ quidem, sed enuntiativæ tantum, non simul illativæ, quales in materiâ necessariâ dantur, ubi consequens necessario inferitur ex antecedente, ut, Si asinus volat, habet pennas; Vi placet Mendoza d. 4. lum. §. 8. 9. 3. An compositæ affirmatio & negatio*

gatio penes copulam conjunctionis, an verbi, sumenda?
 Aliquid de hoc t. 6. dictum, pluribus alibi dicitur. 4. An
 discretiva addenda? *Peripatetici omittunt. Ramei po-
 nunt. Potest obiter addi, ut omnis modus variandi propositi-
 onem per conjunctiones ostendatur: πρῶτως tamen Logica
 propositio non est, nec discursui satis apta, quanquam hoc
 à Bacchio asseveretur l. 1. d. anal. form. pro Cor. Mart. p.
 42. seq. Cujus exemplum magis vi oppositorum aut dispa-
 ratorum procedit, quàm diversorum: aut in majore nexum valdè
 vacillantem, imò falsum habebit: Quicquid est facundus, ille
 non est formosus, falsum est, & consequentiâ destituitur: Eoq;
 rectè potius Rhetori, Oratori, Poëtæ conceditur, nec à
 Logico magnoperè curatur. Libando magis, quàm tractando
 adducitur. Et hoc rectè volunt Peripatetici. V. D. J. M. l.
 2. dis. Ram. c. 7. q. 1. Nec magnoperè impugnantur à Scheib-
 lero c. 5. n. 40. sibi ex parte contrario d. Syll. c. 10. n. 15. Vbi
 quod absurdum c. 5. habuerat, Conclusionem actu contineri in
 præmissis, in Syllogismo composito omninò ita esse concedit. V. &
 n. 2. præceptorum.*


27. *Fuerunt divisiones à formâ: sequuntur, quæ à ma-
 teria, in quâ versatur propositio. 1. E materiâ propositio
 vel est vera vel falsa. Vera, quæ cum re consentit, vel quæ
 rem vel rationem consideratâ. Quæ rem, Vt, homo est animal.
 Quæ rationem, Vt, animal est genus. Iustitia Dei præcisè
 concepta non est misericordia. Falsa, quæ dissentit à re altero
 modo consideratâ. Cæterùm observa hic: 1. Veritas hic do-
 cetur instrumentalis & Logica, non realis & Physica, quæ om-
 nium disciplinarum est: Complexa, non incomplexa. 2. Fal-
 sum indicando & vindicando instrumentaliter, æquè in Log. do-
 ceri debet, ac verum, Aequè enim Logica falsi est index &*


vindex

*vindex, ac verū. Co. D. I. M. c. l. c. 3. q. II. Ramei quā-
dā id negant, Ut Sagittarius d. II. Log. q. 7. Sed malè. Et prop-
falsa vel tantum falsa est, vel insuper falsificans & destru-
ens seipsam. Ut ego juro, me nunquam jurare. Ego sum mu-
rus, qui non loquor. Hæc vulgò insolubilia dicuntur, de quibus
Mendozam d. 4. sum. f. 7. §. 26. Stengelium p. 2. d. syll.
c. I. Gellium l. 5. N. A. c. 10. Lactantium l. 4. d. fals. sap.
aliosq; vide. 3. Vera ut vera propositio gradus non admit-
tit, & si ut taliter vel taliter vera: & sic una intensus est ve-
ra, quàm altera, propter plures veritatis sue causas. Conf.
Sam. d. Lubl. in l. I. d. inn. c. I. ar. 5. 4. Vera propositio,
semel vera & legitimo sensu intellecta, nunquam est falsa, Con-
tradictoria enim hæc, & in ipsam rem simul cadere non possunt:
Sed alibi vel planè ignoratur, vel ut impertinens removetur,
vel diversis considerandi modis conciliatur. vel ut diverso
tantum, non adversa, admittitur. Huc pertinent, quæ de u-
nâ veritate à Clariss. Philosophorū, Cor. & J. Martinis, Grau-
vero, Scheiblero, Gutkio, Kesslerero, Vedelio, Keckerman-
no, Timplero, contra olores veritatis sunt disputata. Ve-
rum enim ex naturâ objecti, de quo enuntiat, asserendum,
non subiecti, à quo enuntiatur. Et non nisi absurdissimè dici-
tur; Ethnicum & impium, si dicat, DEum esse justum & ve-
racem, falsum dicere, si idem fidelis dicat, verum dicere, Ve-
quondam Hoffmannus, Olearius, Kittelmannus, aliq; de-
clarant, de quo in Coron: Gy. Logici plura fortasse. 5. Om-
nis propositio affirmatè vera ad Synonymam aut parony-
mam est revocanda, Nullum hic medium tertium, vel neu-
trum est. Et secus nullus veritatis erigenda generalis Ter-
minus Logico relinquitur, quod absurdissimum. Velut si con-
cedas domum, & neges fundamentum. Hæc ergò Enuntiata af-*

*mantia omnia, sive usitata, s. inusitata, naturalia aut præternaturalia, communia aut mystica, transcendentia a. eminenti-
tia, personalia aut sacramentalia fuerint, quæ veritatem Lo-
gicè revocanda, Ex eorumq; respectu judicanda & examinan-
da sunt. Vt alibi plurib. docebo. V. & d. 2. t. 22. 23. seq.
6. Rectius hæc Divisio à materiâ dicitur, quàm cum Rame-
is à Judicio, quod a què in affirmante & negante est, quàm ve-
ra & falsa. Con. D.I.M. l. 2. di. Ra. c. 1. q. 1. & 3. Plura
de veritate ad doctrinam de animâ pertinent, ut benè Men-
doza d. 8. Log. § 1. & 18.*

28. II. Propositio vel est necessaria vel contingens.
*Divisio hæc sumitur & generaliter, ut & vera & falsa com-
petat. Sic Necessaria, cujus predicatum in omni materiâ pro-
cedit, Vt, verum, homo est animal; falsum, homo est asinus;
Contingens, cujus predicatum in quadam. Vt Verum, homo
est dives: falsum rusticus est doctus: Et specialiter, ut vera
tantum competat ejusq; subdivisio sit. Sic necessaria, Cujus
predicatum immutabiliter coheret subjecto, Vt, Homo est a-
nimal: Contingens, cujus predicatum mutabiliter. Vt, ho-
mo est albus. Necessaria est vel nudè necessaria, qua non
attendit materiâ demonstrativâ est talis, ut & universalis ne-
gans, Vt, Nullus homo est leo, & particularis affirmans, Vt,
Quadam creatura est corporea: vel apodicticè, qua ad ma-
teriam demonstrativam est necessaria. Et constat 3. gradi-
bus, κατὰ παντός, καὶ ὅτι αὐτὸς, & καὶ ὅλος πρῶτον. Vbi requi-
runtur propositiones veræ, affirmantes, universales, necessa-
riæ. De his, in materiâ demonstrationis d. 13. t. 16. 17. seq.
plura tradentur. III. Prop. vel est naturalis vel præternaturalis,
quæ ex alio, quàm natura principio, predicatum de subjecto dicit. Et iterum
varia est, ut vel ex artificio, vel monstro, vel miraculo, vel mysterio pro-
cedat. IV. Vel obscura vel clara Ex modis enuntiandi vel uni-
versalis, vel particularis, indefinita & singularis est. Definitiones ex
authoribus sumantur. Hic chartarum defectu abrumpere cogimur.*





H. NICOLAI

OPERA.

TOMUS II.